

۲۳ ربیع الاول ۱۳۳۲

پنجشنبه

۶ شباط ۱۳۲۹

۸۴ — ۸۵

نسخه سی ۴۰ پاره در

جریده تصوفیه

ابونه سی : بر سنه لك اعتباريله ممالك
عثمانیه ایچون ۴۰ آلتی آیلغی ۲۵ غروش
وممالك اجنبیه ایچون اون ابکی فرانقدر

حل اداره باب عالی جوارنده ابوالسعود
جاده سنده نجم استقبال مطبعه سی

شیمدیلک هفته ده بر نشر اولنور .

امور اداره ونخبریه واعلانات وسائر
ایچون مدیر مسئوله مراجعت ایدلملیدر .

صرفای امنک مقالات متصوفانه لرینه
جرید تصوفیه مک صحیفه لری آچقیدر .
درج ابدلیان اوراق احاده ابداز .

تصوفی ، دینی ، اخلاقی ، سیاسی جریده اسلامیة در

ابتدردی . خلیفہ نیک بو فکرینہ قارشى ابو عبیدہ حضرت تارى :
— یا امیر المؤمنین ! اللہ ک قدرندى قاچاقچىک ؟ سؤالندہ بولوندى .
خلیفہدہ :

— اوت یا ابا عبیدہ ! اللہ ک قدرندن ینہ اللہ ک قدرینہ قاچاقچىز .
جوابى وردی .

او صیرادہ (عبدالرحمن بن عوف) حضرت تارى کلوب ، اذاسمعم
بہذا الوفاء بللہ الخ حدیث شریفى نقل ایتدی .

وبا چیقہ یان بر بللہ یہ خارجدن کیریلہمسی و ینہ او بللہ دن فرار
سوریلہ خارجہ چیقیلما ماسی حقندہ کی فرمان پیغمبری ، حضرت عمرک
عزمنی تقویہ الہدی . بناء علیہ معیتلہ برابر دارالخلافہ عودت ایتدی
طاعونک اندفاعی متعاقب شام اسراسی طرفندن مقام خلافتہ
عریضلر تقدیم اولوب وفات ایدنرک اموالی . یانرندہ بریکمش اولدینى
بیله بریلدی . خلیفہ حضرت تارى دہ جناب علی بن مدینہدہ قائمقام بیراقوب
شامہ کلدی . اموال موروثیہ تقسیم و مصالح عبادى تقیم ایلہ دکن
سوکرا ذى القعدہ ایچندہ بللہ طاهرہ یہ دوندى .

دمشقہ ورودندہ بلالہ بر اذان اوقوندورماسی کندیسندن رجا
ایدیلشہدی . وردیکی امر اوزرینہ بلال حبشی حضرت تارى ، اذانی
اوقودی . سنی ایشیدن اصحاب کرامدن آغلامادق کیمسہ قلمادی .
چونکہ : دور کزین سعادت نخطر ایتدیلر . او وقت مبارکی ادراک
ایلمه یئاردہ صحابہ کرامنک تأثرندن متاثریتدن کریمہ بار اولدیار ایچنرندہ
آلچوق آغلایان و کوز یاشاریلہ صاقالی ایصلانان ینہ خلیفہ حضرت تارى
ایدی .

رضی اللہ عنہ و عنہم .

طاهر المولوی

آچیق مکتوب

اوقاف ناظر معالی مظاهری بک افندی حضرت تارىینہ
دین مبین اسلامک تاریخ ظہورندہ انک احکام و غوامضی بحق
تدقیق و تقدیر ایدرک اسلامیتک فضائى محیط اجتماعینہ تلقین و تعمیم
وانلرک سویہ عرفانہ کورہ فکرلرینى تنویر ایلک ایچون تکیہ نامی
وبریلن برطاقم مبانى اجتماعیه تأسیس ایتشاردر . ارباب عقل و کمال
زردندہ آیین طریقتلرندن بحث اولنیرق تکیایلک دینی اجتماعی و حتی
سیاسی قلوبلر اولدینى کمال وضوح ایلہ تظاهر ایدر .

ایشته دین مبین اسلامى تعمیم و حقایق و غوامضی بیلیملارلر تعلیم
ایتمک اوزرہ پیران عظامک هریرى متسببتک درجہ عرفانہ و زمانتک
ایجابانہ کورہ بر نقطہدہ جمع ایتشاردر .

مختلف طریقترلر محیط اجتماعى و اعتیادات محلیہ نظرآ مختلف آداب
واصلزہ تابع اولغللہ برابر جملہسى اسلامیتک تعمیم و تقرری اساسنہ

مستنددر . متأخرین اشبو اجتماعہ آیین طریقى وسیلہ ایدرک انلری
جلب ایتشار ایدرہ نیکباز درکام اولان ذواتک اقتدار علمیه و کمالیلری
مطلوب درجہدہ اولماسی و متین اساسلر اوزرینہ تأسیس ایدن
تکیلرلدہ کی مقاصد اساسیه مرور زمانلہ زائل ویرینہ برطاقم منافع شخصیه
قائم اولمشدر . شمدی ایسہ لہ الحمد مدرستہ المشایخ نامیلہ اولاد واحفاد
مشایخ و متسببینى علم و عرفاندن بهره مند ایتک اوزرہ بردارلر فانک
تأسیسنى عزتہ لردہ اوقودم جناب حق سى نظارتینا هیلرینى مشکور
بیورسون بوصف عالیینى طوغریسنى احیا و خواب غفلتدن تسمید
بیوردیکز . البته ارواح اولیا سزدن خوشنوددر ازمئہ قدیمہدہ کہ تکایا
کبی بومبانى دینی و اجتماعی و سیاسى قلوبلر حالته ارجاع ایلہ دارالعلم
ودارالکمال یالمنى موجود اولان انجمنہدہ ازیادہ وقوف نامہسى اولان
ارباب اختصاصى جلب ایلہ مذاکرہ بیورلسى دها نافع اوله جفتدن
واشبو تحصیلک وطنہ حسن خدمت ایدرک درجہ تنویر فیکرہ خدمتہ
حمت بیورلسى مسترحدر .

متسببین طریقندن

حسین حسنى

شونات

دول معظمہ نیک ویریکى

نوطہ نیک صورتى

واضع الامضا آوستریا ، ایتالیا ، انکلتزہ ، سفیرکیریلہ فرانسه ،
آلمانیا و روسیہ دولتلری مصلحتکذارلری حکومتلرینک امرینہ توفیقآ
آنى الذکر موادی حکومت سینیہ نیک نظراطلاعنہ عرض ایتمکله کسب
شرف ایلرلر .

بالقان حکومت متفقہ سیلہ دولت علیہ میانلرندہ ۱۷ - ۳۰ مایس
۱۹۱۳ تاریخیلہ عقد ایدیلن لوندردہ معاهدہ سنک بشنجى مادهسى وینہ
بابعالی ایلہ یونان حکومتی آرہ سندنہ و آئندہ امضایلدیلن ۸ تشرین ثانی
۱۹۱۳ تاریخیلہ معاهدہ نیک اون بشنجى مادهسى موجبنجہ حکومت سینیہ
آطہلرک مقدراتنى تعیین خصوصى دول معظمہ نیک قرارینہ ترک ایلہ .
جکنى تمہد ایلش ایدى . بناء علیہ دول معظمہ مسئلہ دقتلہ مذاکرہ
ومداولہ افکاردن سکرہ حکومت یونانیہ نیک (ابروز) و (بوزجہ آطہ)
آطہلرینى دولت علیہ ترک و تحت اھفاندہ بولنان دیگر آطہلری
صورت قطعیدہ محافظہ ایتسنہ قرار ویردیلر . (میس) اطہسى دخى
حکومت سینیہ اطادہ ایدیلہ جکدر .

دول معظمہ حکومت یونانیہ نیک دولت علیہ یہ قارشى مذکور

آٹھ لری تحکیم و بر مقصد بحری و عسکری ایچون استعمال ایلیمه جکته
و آٹھ لری ساحل آر سنده قیقا قیقا منیع ایچون تدابیر قطعیہ اتخاذ
ایده جکته دائر کرک کنڈیلرینه و کرک دولت علیه به تأمینات کافیہ
و بر سنده قرار و یر دیر .

دول معظمه ، بوشرائطی خلوص ایلہ اجرا و محافظه ایلسنی تامین
ایچون حکومت یونانیہ اوزرنده اعمال نفوذ ایلسکی متقابلاً تمہد ایتشاردر .
دول معظمه ، بوندن ماعداد آٹھ لریه موجود اقایتده بولنان
مسلمانلرک حقوقنی حایہ ایده جکته دائر تأمینات کافیہ و یر مسنی ده
حکومت یونانیہ دن طلب ایده جکر در .

دول معظمه ، مقررات سالفیه حکومت عثمانیه طرفندن رعایت
اولانه جفته اعتماد ایدر لر .

در سادات ۱۰ شباط ۱۹۱۴

جوابی نوطہ

آٹھ لری مسئلہ سی حقنده دول معظمه طرفندن باب عالی به و برلش
اولان نوطیه جواباً باب عالی نیک دول مشارالیمہ تبلیغ ایلدیکی جوابک
صورتی مطبوعات مدیریت عمومیه سندن غزنه لریه کوندرلش اولانه
بر وجه آنی درج ایدیورز :

ذات حضرت بادشاهینک آتیده وضع الامضا صدراعظم و خارجیه
ناظری شهر حالک اون دردی نارنجیلہ آوستریا و مجارستان و ایتالیا
و انکلتوره سفیر لریه فرانسه و آلمانیا و روسیه مصلحتکذار لری طرفارندن
اعطا ایدیلن مشترک نوطیه ایلدیغنی بیان ایدر . حکومت سنیہ یونانستان
طرفندن اشغال ایدیلن آٹھ لریه تعیین مقدراتنی دول معظمه به تودیع ایتمکله
برابر بوظایر جوارنده بولنان آٹھ لریه آناطولی نیک اقسام متممہ سندن
معدود اولان آٹھ لریه به حال تحت تصرفنده قالمسنی مستلزم ملاحظات
عالیه بی بالذفات شرح و ابضاح ایتمش ایدی ، بناء علیه حکومت سنیہ
دول معظمه نیک حائر بولندقرنی و کالتی بومسلئده علاقه دار اولان
طرفینک منافع حقیقیه سنده موافق صورتده حل ایچون استعمال ایده جکر یغنی
قویاً امید ایتمکده ایدی . حکومت سنیہ دول معظمه سته طرفندن دولت
علیه نیک احتیاجات حیاتیه سی درجه کافیده نظر دفته آلدیغنی و مسئلہ نیک
هر کونا اختلافات جدیدی رفیع ایده جک صورتده حل ایلدیکی کمال
اسفله مشاهده ایتمکده در . وظائفی و صاحبک فوائد عالیہ سی بحق
مدیرک بولنان حکومت سنیہ دول معظمه سته نیک امپروز ، ینہ دوس ،
بوزجه آٹھ ، قاستلوریزو (رئیس) آٹھ لریه نیک اعاده سی حقنده کی قرار لری
سند اتخاذ ایلہ برابر بحق و مشروع مطالبینک تأمین حصولی ایچون
صرف مساعی ایده جکر .

مولد نبوی قرآنی

ذات حضرت خلافتیناهی طرفندن اولکی کون طوبقو سرای
ہاوندند حرقة سعادت دائر سنده منقبہ ولادت حضرت سید المرسلین
قرآنت ایتدیرلشدر .

جمعیت خیریه اسلامیہ

عبدالقادر القبانی افندی نیک ریاستی التندہ بیرونده جمعیت خیریه
اسلامیه نامیلہ بر شعیہ کشاد ایدلشدر .

معراج البیان

اعظم رجائ طریقت عالیہ خواتینہ دن قسطمونیلی شیخ مصباح الدین
وحی قدس سرہ المحی حضرتاری طرفندن تالیف ایدیلان معراج البیان
اسمندی اثری بو کرہ شعبان ولی در کاک شریفی پوست نشینی محمد
عطا اللہ افندی طرفندن طبع ایتدیرلشدر . مطالعہ سنی بالجلہ قارئلرمزہ
توصیہ ایلرز .

اسلام مجموعہ سی

بو کرہ اسلام مجموعہ سی نامیلہ دینی بر اثر انتشار ایتمکله باشلامشدر
بو یکی رفیقہ مزی تبریک ایلرز .

بولیده بولی نامیلہ بر غزنه انتشارده باشلامشدر دوام و انتشارینی
تمنی ایلرز .

احیق مخبرہ :

طر بزوندہ فیض کتب خانہ سی صاحبی ع . نوری بک : حسابگری
تسویہ ایتمکزی تکرار رجا ایلرز .

قونیہ سلیچوق کتب خانہ سی صاحبی احمد نوری افندی : اوج
دفعہ در مکتوب یازدم الا آن جواب و یرمدیکز حسابگری تمیزلہ بکز .
دیار بکرده کی ابونہ لرمزہ : متعدد دفعہ در تبلیغاتده بولندق الا آن
ابونہ بدالرینی کوندرمدیکز . عجیب بوراسی عمارتیدر .

حلیمہ خاتم افندی : وعد ایتدی کمز کتابی پوسته تودیعاً ارسال
ایلدک .

روسیہ حاجی احمد اسحاقی افندی : غزنه نیک بر سنیہ سی
ختم بولاق اوزرددر لطفاً غزنه بدالری نیک ارسال .

صاحب امتیاز و مدیر مسئول : حسن کاظم

نجم استقبال مطبعہ سی